

『元亨釋書』15 方應8 林邑國佛哲

釋佛哲。林邑國人也。有大慈。愍衆生貧乏。欲入海索如意珠行賑濟。便乘舟泛南海。以咒力召龍王。龍王出波上。乃咒縛索珠。龍解髻珠欲授哲。哲右手結劍印。舒左手受之。龍給曰。昔娑竭女獻寶珠釋迦世尊。世尊合掌受之。痛哉像末弟子。隻手受之。哲聞已解印。合掌乃欲受珠。龍見印解而縛脫。乃沒海。哲空手舟又破。時婆羅門僧菩提適赴震旦。海中逢之。哲語此事。伴菩提來。天平八年七月也。本朝樂部中。有菩薩拔頭等舞及林邑樂者。哲之所傳也。